

**266. fundur Skóla- og frístundaráð, haldinn í Lindinni Dalbraut 4,
miðvikudaginn 6. ágúst 2025 og hófst hann kl. 08:30.**

Fundinn sátu:

Jónína Margrét Sigmundsdóttir formaður, Liv Aase Skarstad varaformaður, Þórður Guðjónsson aðalmaður, Daníel Sigurðsson Glad forstöðumaður
Íþróttamannvirkja, Dagný Hauksdóttir sviðsstjóri skóla- og frístundasviðs, Maren Ösk Elíasdóttir verkefnastjóri og Heiðrún Janusardóttir verkefnastjóri.

Fundargerð ritaði: Dagný Hauksdóttir, sviðsstjóri skóla- og frístundasviðs.

Fyrir tekið:

1. 2506125 - Golfklúbburinn Leynir - æfingaaðstaða innanhúss

Drög að valkostagreiningu kynnt.

Daníel S. Glad forstöðumaður Íþróttamannvirkja situr fundinn undir dagskrárliðum 1-3.

Skóla- og frístundaráð felur sviðsstjóra að vinna málið áfram.

2. 2506017 - Klifurfélag ÍA - húsnæði og starfsemi

Flutningur Klifurfélags ÍA yfir í Íþróttahúsið að Vesturgötu.

Áætlað er að Klifurfélagið hefji vetrarstarf sitt á nýjum stað og ekki er útlit fyrir annað en að það gangi eftir. Skóla- og frístundaráð fagnar þeim áfanga að framtíðarhúsnæði fyrir starfsemi Klifurfélagsins verði í Íþróttamannvirki Akraneskaupstaðar. Ráðið felur sviðsstjóra að gera viðeigandi ráðstafanir varðandi leigusamning vegna húsnæðis að Smiðjuvöllum 17.

3. 2508004 - Kraftlyftingafélag ÍA - húsnæði og starfsemi

Umfjöllun um framtíðarhúsnæði fyrir Kraftlyftingafélag Akraness. Markmið Akraneskaupstaðar er leitast við að starfsemi aðildarfélaga Íþróttabandalags Akraness geti farið fram í Íþróttamannvirkjum kaupstaðarins.

Skóla- og frístundaráð óskar eftir því við forstöðumann Íþróttamannvirkja, í samstarfi við fulltrúa kraftlyftingafélagsins, að finna starfsemi félagsins hentugt rými í Íþróttahúsinu á Vesturgötu. Sviðsstjóra og forstöðumanni Íþróttamannvirkja er falið að vinna málið áfram.

Daníel S. Glad víkur af fundi.

4. 2508003 - Frístundaheimili Akraneskaupstaðar - húsnæði

Skóla- og frístundaráð hefur unnið að framtíðarsýn frístundaheimila Akraneskaupstaðar. Í þeirri vinnu hefur komið fram nauðsyn þess að skilgreina með formlegum hætti húsnæði fyrir lögbundna starfsemi frístundaheimilanna.

Heiðrún Janusardóttir verkefnastjóri frístunda- og forvarnarmála situr fundinn undir dagskrárliðum 4 og 5.

Skóla- og frístundaráð tekur undir mikilvægi skýrleika í tengslum við húsnæði

frístundaheimilanna, til að tryggja sem bestu aðstæður fyrir þessa lögbundnu þjónustu sveitarfélagsins. Frístundaheimilin Brekkusel, Grundasel og Krakkadalur hafa forgang í rými á Þekjunni, Grundaseli og Þorpinu á starfstíma frístundaheimilanna skv. frístundadagatali.

5. 2508005 - Reglur um frístundaþjónustu fyrir fötluð börn

Skóla- og frístundasvið og velferðar- og mannréttindasvið vinna að mótun reglna um frístundaþjónustu fyrir fötluð börn. Verkefnastjóri frístunda- og forvarnarmála kynnir drög að reglum.

Lagt fram til kynningar.

Málið verður tekið fyrir aftur í skóla- og frístundaráði 20. ágúst n.k. og í velferðar- og mannréttindaráði 19. ágúst n.k.

Heiðrún vísar af fundi.

6. 2502180 - Málefni dagforeldra 2025

Verkefnastjóri kynnir tölulegar upplýsingar um starfsemi dagforeldra á Akranesi, s.s. fjölda starfandi dagforeldra og fjölda barna í vistun.

Lagt fram til kynningar.

Fleira ekki gert, fundi slitið kl. 10:00.

Jónína Margrét Sigmundsdóttir
Þorvaldur Arnarsson
Þorvaldur Arnarsson